

Naalackersuinikkut sulinermut aningaasatigut tapiissuteqartarneq pillugu Inatsisartut inatsisaat

Januaari 2018

Naalackersuinikkut sulinermut aningaasatigut tapiissuteqartarneq pillugu Inatsisartut inatsisaat nr. 1, 31. maj 2001-imeersoq

Inatsisartut inatsisaata nr. 11, ulloq 15. april 2003-meersup, Inatsisartut inatsisaata nr. 1, ulloq 12. maj 2005-imeersup, Inatsisartut inatsisaata nr. 8, ulloq 1. juni 2006-imeersup, Inatsisartut inatsisaata nr. 16, ulloq 3. december 2009-meersup, Inatsisartut inatsisaata nr. 25, ulloq 18. november 2010-meersup, Inatsisartut inatsisaata nr. 4, ulloq 3. juni 2015-imeersup, aamma Inatsisartut inatsisaata nr. 25, ulloq 17. november 2017-imeersup malitsigisaannik allannguutitalik

Naalackersuinikkut sulinermut aningaasatigut tapiissuteqartarneq pillugu Inatsisartut inatsisaat nr. 1, 31. maj 2001-imeersoq, Inatsisartut inatsisaata nr. 11, ulloq 15. april 2003-meersup, Inatsisartut inatsisaata nr. 1, ulloq 12. maj 2005-imeersup, Inatsisartut inatsisaata nr. 8, ulloq 1. juni 2006-imeersup, Inatsisartut inatsisaata nr. 16, ulloq 3. december 2009-meersup, Inatsisartut inatsisaata nr. 25, ulloq 18. november 2010-meersup, Inatsisartut inatsisaata nr. 4, ulloq 3. juni 2015-imeersup, aamma Inatsisartut inatsisaata nr. 25, ulloq 17. november 2017-imeersup malitsigisaannik allannguutitalik

Inatsisartut Allattoqarfianit ataatsimut allanneqarlunilu saqqummersinneqartoq
Januaari 2015

Naalackersuinikkut sulinermut aningaasatigut tapiissuteqartarneq pillugu Inatsisartut inatsisaat nr. 1, 31. maj 2001-imeersoq, Inatsisartut inatsisaata nr. 11, ulloq 15. april 2003-meersup, Inatsisartut inatsisaata nr. 1, ulloq 12. maj 2005-imeersup, Inatsisartut inatsisaata nr. 8, ulloq 1. juni 2006-imeersup, Inatsisartut inatsisaata nr. 16, ulloq 3. december 2009-meersup, Inatsisartut inatsisaata nr. 25, ulloq 18. november 2010-meersup, Inatsisartut inatsisaata nr. 4, ulloq 3. juni 2015-imeersup, aamma Inatsisartut inatsisaata nr. 25, ulloq 17. november 2017-imeersup malitsigisaannik allannguutitalik

§ 1. Inatsisartuni naalackersuinikkut sulineq nukittorsarumallugu naalackersuinikkut partiit, kattusseqatigiillu Inatsisartuni ilaasortaataqartut inuillu ataasiakkaat partiit avataatigut qinigaasimasut aningaasanik tapiiffigineqartarput.

Imm. 2. Inatsisartuni ilaasortanut, partii kattusseqatigiilluunniit sinnerlugit qinigaasimasunut, partiimit kattusseqatigiinnilluunniit tunuartunut tapiissuteqartoqartassaartaaq.

Imm. 3. Tamatuma saniatigut kommunimut Inatsisartunulluunniit qineqqusaarnermut aningaasartuutit tapiiffigineqarsinnaapput.

Imm. 4. Kalaallit Nunaanni Namminersorlutik Oqartussat partiinut, kattusseqatigiinnut kisimiillutilluunniit qinigaasunut aningaasatigut toqqaannartumik toqqaannanngikkaluamilluunniit tapiissuteqarsinnaanngillat, tamanna inatsimmi matumani inatsimmilluunniit allami erseqqissumik tunngavissinneqarsimanngippat.

Imm. 5. Imm. 4 apequtaatinnagu Inatsisartunut ilaasortat inatsisartuni sulinerannut atatillugu allaffinnik, ataatsimiittarfinnik assigisaannillu Kalaallit Nunaanni Namminersorlutik Oqartussat akeqanngitsumik atugassiinnaapput.

Inatsisartuni sulinermut tapiissutit

§ 2. Naalackersuinikkut suliniaqatigiiffik, partii, Inatsisartuni qinikkanik sinniisoqartoq partiip naalackersuinikkut sulineranut ukiumut 850.000 kr.-inik tunngaviusumik tapiissummik kiisalu partiip qinigaatitaa ataaseq 275.000 kr.-inik annertussusilinnik qinikkatut tapiissutisisinnaatitaapput. Tunngaviusumik tapiissutit qinikkamullu tapiissutit Kalaallit Nunaanni kisitsit akinut iluarsissutaasartoq naapertorlugu, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsissuteqarneq siullesq 2019-imi pissaaq.

Imm. 2. Imm. 1-imi taaneqartutut Inatsisartut ilaasortaanut partiit avataatigut qinigaasunut imaluunniit kattusseqatigiit sinnerlugit qinigaasunut tunngaviusumik kiisalu qinikkamut tapiissuteqartoqarsinnaavoq.

Imm. 3. Inatsisartuni ilaasortat kattusseqatigiillutik arlaliullutik qinigaasimappata naalackersuinikkut suliniaqatigiiffimmu partiimut sinniisutulli ilaasortat naalackersuinikkut sulinerannut kattusseqatigiinnut taamatut ataatsimoortumik tapiissuteqartoqassaaq.

Imm. 4. Immikkoortut 1-imiit 3-mut malillugit tapiiffigineqarnissamik qinnuteqaatit ukiumi qinnuteqarfiusumi tunniutereersimaneqassapput kingusinnerpaamik ukiumi qinnuteqarfiusumi 1. marts.

§ 3. Partii, kattusseqatigiit imaluunniit ilaasortaq partiit avataatigut qinigaasooq siusinnerusukku Inatsisartuni ilaasortaasimannikkuni tapiiffigineqarsinnaatitaavoq § 2, imm. 1-3 malillugit.

Imm. 2. Imm. 1 malillugu tapiissutit ukiumi qinersiviusumi tunniunneqassapput qaammammit qinersivimmiit ukiumut tapiissutissat agguaqatigiinnerat naapertorlugu.

Imm. 3. Imm. 1 malillugu naalackersuinikkut sulinermut tapiissutissanik qinnuteqaat kingusinnerpaamik tunniunneqarsimassaaq qinersinerup kingornatigut qaammatit marluk qaangiunneranni.

3a. Naalackersuinikkut suliniaqatigiiffik, partii, Inatsisartunut qinersinermi kingullermi Inatsisartunut qiniggassannortinngitsoq qinigaatitaqanngitsorluunniit, kisiannili kingusinnerusukku Inatsisartunut ilaasortap ataatsip ilaasortalluunniit arlallit sinniisuuffigissallugu nuuffigisaat, partiip Inatsisartuni naalackersuinikkut sulineranut tapiissutisisinnaatitaavoq. Tapiissut partiip ilaasortaataaanut ataasiakkaanut tamanut ukiumut 275.000 kr.-iuvoq. Tapiissutit Kalaallit Nunaanni kisitsit akinut iluarsissutaasartoq naapertorlugu, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsissuteqarneq siullesq 2019-imi pissaaq.

Imm. 2. Imm. 1 malillugu tapiissutit ukiumi partiip sinniisuutitaqalernerani ukiumoortumik tapiissutit ilaattut, qaammatip partiip sinniisuutitaqalerfiata naanerani naatsorsorlugit, tunniunneqartassapput.

Imm. 3. Partii sinniisaa § 4 malillugu, pineqartoq partiimut sinniisuuffigilikkaminut nuutsinnagu, attaviitsutut tapiissutisisimappat, qinikkamut pineqartumut partii qinigaatitamut tapiissutisisinnaanngilaq piffissamut sinniisuutitarilikkap § 4 malillugu tapiissutisiffigisimasaanut.

§ 4. Inatsisartunut ilaasortaq partiimiit kattusseqatigiinnilluunniit qinigaasimasooq partiimiit kattusseqatigiinnilluunniit tunuqartoq Inatsisartuni naalackersuinikkut sulinerminut tapiissutisisinnaatitaavoq. Tapiissut ukiumut 275.000 kr.-iuvoq. Tapiissutit Kalaallit Nunaanni kisitsit akinut iluarsissutaasartoq naapertorlugu, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsissuteqarneq siullesq 2019-imi pissaaq.

Imm. 2. Imm. 1 malillugu tapiissutit tunniunneqartassapput ukiumi partiimiit kattusseqatigiinnilluunniit tunuarfiusumi qaammammit partiimiit kattusseqatigiinnilluunniit tunuarfiup naaneraniit agguaqatigiissillugu ukiumoortumik pisassat tunngavigalugit.

Imm. 3. Imm. 1 malillugu tapiissutit qinnutigineqassapput partiimiit kattusseqatigiinnilluunniit tunuarnerup kingornatigut kingusinnerpaamik qaammatit marluk qaangiunneranni.

§ 4 a. § 2 aamma 3a malillugit qinigaatitamut ataatsimut tapiissutit aamma § 4 malillugu tapiissutit qaammatinut ilivitsunut tamanut Inatsisartunut ilaasortap pineqartup atuuffimminik aningaasatigullu soqutigisaminik allanik paasissutisissusaatitaanerminik naammassinniffiginngisaanut

tunniunneqartassanngillat.

Imm. 2. Imm. 1 malillugu paasissutissiisussaataaneq atuutissaaq, tamanna Inatsisartut Suleriaasianni aalajangersarneqarsimaguni. Tassanissaaq aalajangersarneqarsinnaavoq paasissutissat aalajangersimasumik iluseqassasut, taamatullu aamma tamanut saqqummiunneqarsinnaassasut.

Imm. 3. Imm. 1 naapertorlugu qinigaatitamut ataatsimut tapiissutit tunniunneqareersut qaammatit arfinillit tikillugit utertinneqarnissaat piumasarineqarsinnaavoq, paasinarsissagaluarpat paasissutissiisutaasussat amigaatigineqartut annertuunilluunniit amigaateqartut.

Naatsorsuinermi tungaviusut

§ 5. §§-it 2-4 malillugit tapiissutit qinnuteqareernikkut ukiumut ataasiarlutik tunniunneqartarput, ukiup affaanut piffissanut 1. januarimiit 30. juunimut aamma 1. juulimiit 31. decembarimut atuuttussatut.

Imm. 2. § 2, imm. 1 aamma 3, aamma § 3a malillugit tapiissutit ukiup affaanut siullermut naatsorsorneqartassapput ukiumi qinnuteqarfimmi 1. januarimi ilaasortaqaassuseq tungavigalugu, ukiullu affaanut kingullermut naatsorsorneqartassallutik ukiumi qinnuteqarfimmi 1. julimi ilaasortaqaassuseq tungavigalugu.

Imm. 3. Tapiissutit § 2, § 3a aamma § 4 malillugu partiimut, katusseqatigiinnut ilaasortanulluunniit ataasiakkaanut ilaasortaajunnaartumulluunniit ukiup affaani qinersiviusumi tunniutassat ikilineqaratilluunniit amerlineqassanngillat, qinersineq 1. januarimut 1. julimulluunniit ilaasortat agguataarneqarnerannut sanilliullugu allannguuteqartitsisimagaluarpulluunniit.

Qineqqusaarnermut tapiissutit

§ 6. Partii partiilluunniit avataatigut nunaqarfinni aqutsisunut, kommunimut Inatsisartunulluunniit qineqqusaartoq qinersineq sioqqullugu naalakkersuinikkut sulinermini aningaasartuutiminut tapiiffigineqarsinnaavoq.

Imm. 2. Partiinut partiillu avataatigut qinigassanngortittunut tapiissutit aningaasat inatsisaanni aalajangerneqartassapput.

§ 7. Qinersineq sioqqullugu naalakkersuinikkut sulisimanermut tapiissutit qinnutigineqassapput kingusinnerpaamik qinersinerup kingornatigut qaammatit marluk qaangiunneranni.

Qinnuteqarnej aningaasallu tigunerat

§ 8. §§ 2-4 malillugit qinnuteqaatit Inatsisartut Siulittaasoqarfiannut tunniunneqassapput, tassa taakkua aalajangissammasuk tapiiffigineqarnissamut piumasaqaatit eqqortinneqarsimanersut.

Imm. 2. Tapiiffigineqarnissamik qinnuteqaat tunniunneqassaaq partiip siulersuisuunerinit, katusseqatigiit sinniisuannit aamma partiit avataatigut Inatsisartuni ilaasortaasumit imaluunniit partiit avataatigut qinigassanngortittumit tapiissutillu taakkununga tunniunneqassapput.

Imm. 3. § 6 malillugu tapiiffigineqarnissamik qinnuteqaatit Naalakkersuisunut tunniunneqartassapput.

§ 9. Inatsisartut inatsisaat manna naapertorlugu tapiissutit bankimi kontumut immikkut inissitamut ikineqassapput, taakkulu siunertanut allanut atorneqassanngillat.

Imm. 2. §§-it 2-4 malillugit tapiissutinik tiguisartut ukiut tamaasa qinnuteqarnerminnut ilanngullugu Inatsisartut Siulittaasoqarfiannut uppersarsarlugu nalunaarutigisassavaat qaammatisiutit ukiuanni qaangiuttumi tapiissutit naalakkersuinikkut sulinermut ilumut atorneqarsimasut, kiisalu tamanna ingerlateqqinneqassamaartoq. Aammattaaq ukiut tamaasa kingusinnerpaamik 30. juni ukiumut siulianut naatsorsuutinin kukkunerisukkanik Inatsisartut Siulittaasoqarfiannut nassiussisoqartassaaq. Ukiup affaanut siullermut tapiissutit Inatsisartut Siulittaasoqarfiata tapiiffigineqarnissamik qinnuteqaat suliarereeraangagu tunniunneqartassapput. Ukiup affaanut kingullermut tapiissutit ukiumut siulianut naatsorsuutit kukkunerisukkat nassiunneqareeraangata, siusinnerpaamilli 1. juli, tunniunneqartassapput. Taamatut uppersarsaalluni nalunaarut naatsorsuutillu kukkunerisukkat nassiunneqanngippata tapiissutinik tunniukkumaakkat kinguartinneqassasut atuukkunnaassasulluunniit Inatsisartut Siulittaasoqarfiata aalajangersinnaavaa.

Imm. 3. § 6 malillugu tapiissuteqarfineqarsimasut ukiup ullorsiuteqarfiusup qinersisoqareernerata kingorna

tullinguuttup aallartinnerata kingornani aallartereerneraniit qaammatinut arfinilinnut uppersarsarlugu Naalakkersuisunut nalunaarutigissavaat aningaasat qinersineq sioqqullugu naalakkersuinikkut suliniarnermut ilumut atorineqarsimasut. 25.000-init amerlanerusunik tapiissutisisimasut uppersarsarlugu nalunaarumminnut ilanngullugit tapiissutit atorineqarnerinut naatsorsuutininik kukkurersiukkanik nassiussaqaassapput. Taamatut uppersarsarlugu nalunaaruteqartoqanngippat imaluunniit naatsorsuutininik kukkurersiukkanik nassiussisoqanngippat Naalakkersuisut aalajangersinnaavaat tapiissutigineqarsimasut tamakkerlugit ilaannakorlugilluunniit utertinneqassasut.

Imm. 4. Naalakkersuinikkut suliniaqatigiiffiit, kattusseqatigiit ilaasortalluunniit ataasiakkaat sinnerlugit aningaasartuutininut inatsit manna malillugu partiinut tapiissutininut Inatsisartut ilanngaasinnaapput ilanngaasitsisinnaallutilluunniit.

§ 10. Inatsit manna naapertorlugu tapiissutaasut isertitatut akileraarutaasussatut isigineqassanngillat. Tapiissutit erniatigut isertitaqaataasimappata akileraarutissanut ilanngunneqassanngillat.

Imm. 2. Inatsit manna malillugu tapiissutininut aningaasartuutit Nunatta karsianit matuneqassapput.

§ 11. Inatsit atortuulerpoq 1. januar 2002.

Imm. 2. 2001-imi tapiissutigineqarsimasut pillugit § 9 malillugu naatsorsuutininik kukkurersiukkanik nassiussisoqassanngilaq.

Imm. 3. Tamatuma peqatigisaanik atorunnaarsinneqassapput naalakkersuinikkut suliaqarnermut tapiissutit pillugit Inatsisartut inatsisaat nr. 9, 31. oktober 1995-imeersoq kiisalu naalakkersuinikkut suliaqarnermut Inatsisartut inatsisaata allannguutaa nr. 5, 11. november 2000-imeersoq.

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat nr. 11, 15. april 2003-meersoq (Tapiissutininik pissarsisut naatsorsuutininik kukkurersiukkanik nassiussinissaannut tunniussivissatut piffissaliussaq), § 9, imm.2-mut tunngasoq, atuutilersitsinermit aalajangersakkamik imaattumik imaqarpoq:

§ 2

Allannguutit ulloq 31. december 2003-mi atuutilerput.

Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarnissaanut Inatsisartut inatsisaat nr. 1, 12. maj 2005-meersoq (Kommunimut Inatsisartunullu qinersinermit peqataanermi aningaasartuutininik matussusiinissamut aningaasatigut tapiiffigineqartarnermi nalunaarummik naatsorsuutinillu kukkurersiukkanik nassiussisarnissamut piffissaliussamik allannguneq), § 9, imm. 3-mut tunngasoq, atuutilersitsinermit aalajangersakkamik imaattumik imaqarpoq:

§ 2

Inatsisartut inatsisaat 1. juni 2005-mi atuutilissaq tapiissutinullu 1. januar 2005-ip kingorna tunniunneqartunut sunniuteqassalluni.

Naalakkersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat kiisalu Inatsisartunut Naalakkersuisunullu ilaasortat aningaasarsiaqartitaanerit il.il. pillugit Inatsisartut inatsisaata allanngortinneqarneranik Inatsisartut inatsisaat nr. 8, 1. juni 2006-imeersoq (Partiinut tapiissutit qaffanneqarneri tunngaviumillu tapiissutininik agguutaarisarneq aammalu qinikkamut tapiissutit, kiisalu Inatsisartunut ilaasortat inatsisikkut

piginnaatitaaffiusumik ataasiakkaarlutik paasisassarsiorlutik angalasarnerinik atorunnaarsitsinissaq), § 2, imm-1-3-mut aamma § 4, imm. 1-imut tunngasoq, atuutilersitsinermut aalajangersakkamik imaattumik imaqarpoq:

§ 3

Inatsisartut inatsisaat ulloq 1. juni 2006 atuutilissaaq. 2006-ip sinneranut naalakkersuinikkut sulinermut tapiissutit qaffaataanik qinnuteqaatit kingusinnerpaamik ulloq 1. august 2006 tunniunneqassapput.

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allangortinneqarneranik Inatsisartut inatsisaat nr. 16, 3. december 2009-meersoq. (Partiit aningaasaqarnerisa Inatsisartut allaffeqarfiata missingersuutaanit immikkoortinneqarnerat), §§-inut 1, 2, 4 aamma 9-mut tunngasoq, tamatumalu saniatigut inatsimmi taaguutinik namminersorneq pillugu inatsimmut naapertuuttunngortitsiviusoq, atuutilersitsinermut aalajangersakkamik imaattumik imaqarpoq:

§ 2

Inatsisartut inatsisaat atortuulerpoq ulloq 1. januar 2010.

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allangortinneqarneranik Inatsisartut inatsisaat nr. 25, 18. november 2010-meersoq (Paasisassarsiorluni angalanernut aningaasat Inatsisartunit partiinut nuunneqarnerat), § 2, imm. 1-imut aamma § 4, imm. 1-imut tunngasoq, atuutilersitsinermut aalajangersakkamik imaattumik imaqarpoq:

§ 2

Inatsisartut inatsisaat ulloq 1. januar 2011 atuutilerpoq.

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allangortinneqarneranik Inatsisartut inatsisaat nr. 4, 3. juni 2015-imeersoq (Partiinut nutaanut tunngaviusumik tapiissuteqartannginneq. Atuuffiit allat pillugit paasisutissiinnngikkaanni qinigaanermut tapiissutisisinnaannginneq. Partiit sinnerlugit aningaasartuutinik ilanngaassisinnaaneq), § 3a-mut, § 4a-mut, § 5-imut aamma § 9-mut tunngasoq, atuutilersitsinermut aalajangersakkamik imaattumik imaqarpoq:

§ 2

Inatsisartut inatsisaat una ulloq 1. juli 2015 atuutilerpoq.

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allangortinneqarneranik Inatsisartut inatsisaat nr. 25, 17. november 2017-imeersoq (Tapiissutinik qaffaaneq), § 2, imm. 1-imut, § 3a, imm. 1-imut aamma § 4, imm. 1-imut tunngasoq, atuutilersitsinermut aalajangersakkamik imaattumik imaqarpoq:

§ 2

Inatsisartut inatsisaat ulloq 1. januar 2018 atuutilerpoq.

Inatsisartut

www.inatsisartut.gl
inatsisartut@inatsisartut.gl